

Ninsaal yel-segdı noy gānegr sebre (yūūmd 1948)

Keoogre

B wilgame tı ninsaal buud fāa tara a burkindlim la a yel-segdı tōod sēn pa yııd a to, tı b pa tōen n dık tōod-bāmb n koos bı n tek a badawā, n yaa dūni wā bāan gāaga, ned fāa sēn so a vıım tı yembd kaala, la wēg-taab kaalem dūni wā pūgē yēgrā.

B wilgame tı ninsaal sēn da tog ne yel-segdı ninsā kaalmā waa ne bi-beelem la pāng buud toor-toor sēn sām dūni wā zāng sūuri, la b yākamen moon tı dūni ning sēn na n wa zīnd-a tı ninsaalbā na n wa so b mense, n tōe n gom b sēn date, n tē b sēn date, n wa yi rabeem, yaeesg la far buudā fāa pūgē wā, n yaa ninsaal sēn baood ne a sūur fāa n yııdā.

Tı sēn yııd fāa yaa tı ninsaal yel-segdı wā tog n paamame tı b koglg-b ne noy buud sēn na yıl tı ned ra wa bao a sēn na maan n pōs pān-wōrdem b sēn maand-a n kong n wēneg n kē wēnem maan n lebs pūgē wā.

D sēn mi tı segdame tı d keng tēms ne taab zood yōkr zīndgrā.

D sēn mi tı nasōzini (tēmsā fāa lagem-n-taar kāsengā) le mooname n wilg b tēeb ninsaal burkindlem la a tırlēm pānga, pag la rao yel-segdı sēn zem taabā, tı b le wilgame tı b ratame n mao n paas ninsaalbā vıım sōmblem tı yı ned fāa sēn so a meng vıımē wā tı yel käng pāng yııg a pīndā.

D sēn mi tı tēms nins sēn be nasōzini lagem-n-taarā pūgē lagma ne lagem-n-taarā n nk sard n na n sōng tı dūni wā pūgē bı ned fāa tū ninsaalb yelsegdı wā sēn gāneg noy ninsā.

D sēn mi tı ninsaal yel-segdı noy bāmba gānegr sā n yı lagem-n-taarā ne a kēedbā n na n naag taab n maan-b n na n sōng tı b tūubā yı sōma wā.

Pipi koεεga.

Ninsaalbā fāa sā n doge, ned fāa so a menga, ned pa rogd n yaa yamb ye, nebā fāa zema taab b yel-segdı la b burkindlem wεengē. Nebā fāa tara yam la tagsgo, ned fāa togame n vıınd ne a to saam-biir pūgē.

Koεεg a 2 soaba.

Ned fāa tara sor n tōe n dı seb-kānga sēn gāneg noy ninsā yōodo tı bakr buud ka zīnd ye, pa tūus f sēn yaa buud ning ye, f yīng kōbg sēn ya-a soab ye, f yaa pag bı rao ye, f wēnd-sor sēn ya-a soab ye, f sēn yāk n tik politik ninga, bı tēeb buud a to ye, f tarem sēn ya-a soab ye, f sēn dog ne b rāmb ye, bı būmd buud a taab sēn bakd ye.

Sēn paasde, pa tōe n tik ned tēng politik neng sēn ya-a soab n bak a soab noy-bāmbā yōod rııb wεengē ye, pa tūus tēngā sā n so a menga bı a sā n be zamaan a to yembdē.

Koεεg a 3 soaba.

Ned buud fāa tara sor n tōe n vıınde, n soog a menga la a gūnug a menga.

Koεεg a 4 soaba.

Pa tog n dık ninsaal buudā fāa n maan yamb ye bı n weoog-a ye. Yembdā ne nebā koosgā gidgame, ba sēn wa n ya yembd buud nin fāa.

Koεεg a 5 soaba.

Pa tog n sıbg ninsaal buudā fāa ye, pa tog n sıbg ninsaal tı sıbgrā yı toog wūsgo, tı pa sēn na maan ninsaal ye.

Koεεg a 6 soaba.

Ned fāa tara sor tı sēn wa n ya sīıg ning fāa, bı b sak n deeg a sēn yaa ned ning buud bō-kaoor soog taoore.

Koεεg a 7 soaba.

Ninsaalbā fāa zema taab laloa taoore, b fāa tog n paama laloa wā koglgō tı bakr ba a ye pa zīnd ye. Nebā fāa tara sor n tōe n paam tı b koglg-b ne bakr buud fāa sēn na n wa maan n kııs seb-kānga noy wā sēn gānegā, ne būmb nins sēn na n wa ne bakr-bāmba.

Koεεg a 8 soaba.

Ned buud fāa tara sor n tōe n kēng a tēngē buud soog taoore n tı bō ne weoogre, sıbgr buud fāa

b sēn maan-a, tɪ ninsaalb yel-segdɪ sebrā gidge, tɪ laloa mi tiiri.

Koεεg a 9 soaba.

Pa tar sor n tōe n yōk ned zaalem, n pag-a roogo bɪ n yiis-a a tēngē n tɪ ning zīīg a to tɪ laloa zɪ tiir ye.

Koεεg 10 soaba.

Ned buud fāa tara sor wa laloa sēn wilgā, t'a yell ta bɔ-kaoodb sēn so bɔɔdā, n tōe n kao tɪ pān-dāmb ka lob b toogo, la sēn bɔɔd sɪd taoore, tɪ b bɔ nin-buiid taoore n wilg a yel-segdɪ bɪ a tɪlae-yela, bɪ n wilg b sēn yet tɪ yēnda soabā maana būmb ningā kongr sēn taē.

Koεεg 11 soaba.

B sā n yeel tɪ ned maana būmb sēn kis n dat n paalg-a, sā n pa b wa n bɔ-a lame tɪ bɔɔdā yɪ neb fāa taoore, t'a paam sōangd sēn mams n paas a poorē fāa, ket n ya wa yēnda soabā pa maan būmbā ye.

B pa tōe n bɔ ned n paalg-a būmb a sēn maan bɪ a sēn pa maan yīnga, sā n mikame tɪ yellā sēn maanā wakato, bɔɔd soog nengē yel bāmba ra pa kis ye. Sēn paasd me, b sā n bɔ yellā, b pa tar sor n tōe n kō ned ning sēn maan-a yellā sɪbgre tɪ yɪg yellā sēn maanā sasa laloa sēn da gāneg sɪbgr buud nins yel-bāmb wēngē wā ye.

Koεεg 12 soaba.

[Missing]

Koεεg 13 soaba.

Ned buud fāa tara sor n tōe n gō a tēngē, n kēng zīīs nins fāa a sēn date, la a yāk a sēn dat n zīndē.

Ned buud fāa tara sor n tōe n yɪ tēngē n lebg n wa a meng tēngē, a le tara sor n tōe n yɪ a meng tēngē n kēng tēn-taaga la a le lebg n wa a tēngē.

Koεεg 14 soaba.

Ned sā n wa be toog zug tēngē tɪ b namsd-a wɔsgo, a soab tara sor n tōe n yɪ n bao gāag-sobend tēms a taabē, a le tara sor n tōe n paam tɪ b reeg-a tēn-bāmbē.

La sā n mikame t'a sēn maanā, laloa gidgame tɪ b mik tɪ yaa sɪda, bɪ sā n mikame t'a sēn maanā pa zems ne nasōzini (tēmsā lagem-n-taar kāsengā) sēn gāneg noy ninsā, a pa tar sor-kāng ye.

Koεεg 15 soaba.

Ned buud fāa tara sor n tōe n paam tēng-n-biilim tika.

B pa tar sor n tōe n wōr ned n menes a tēng-n-biilim ye, b le pa tōe n gidg-a t'a ra teem a tēng-n-biilim ye.

Koεεg 16 soaba.

Pag ne rao yɔɔmd sā n ta kāadem b tara sor n tōe n kē kāadem la b tilg yɪr tɪ pa tūs b yiibā buud sēn ya-b rāmba, b tēng-n-biilim bɪ b wēnd sor tūudum. Kāadmā kēesg noy pɔgē, b yiibā yel-segdɪ yaa a ye, pa yɪd to ye, kāadmā vɪm wakato la a kaoob wakat me b yel-segdɪ wā ya a ye.

Kāadem pa tōe n kēes tɪ pa tū ne kād-ratbā sakr sēn pa tū ne modgr ye.

Zak yaa tēng yēgre (tēng bōn-bulli). A yaa tēng vɪm sūuri. Tēngā neb togame n koglg-a, goosneerā (leta wā) togame n koglg-a.

Koεεg 17 soaba.

Ned buud fāa, f ya f ye bɪ f bee sull pɔga, tara sor n so a būmbu.

B pa tōe n wōr ned n deeg a sēn so ye.

Koεεg 18 soaba.

Ned fāa tara sor n tōe n tags a sēn date, n bɔgs a sēn date la a tū wēnd-sor ninga a sēn date. Sor-kāng a sēn tarā wēngē a tōeeme n teem wēnd-sor n tū bɪ n teem tēbo a le tōeeme n wilg a wēnd-sor bɪ a tēbo ne kaorengo, maana maanego tɪ yɪ yēnda a ye bɪ n naag ne a taaba tɪ yɪ neb sɔka bɪ bāmb bal ne taaba.

Koεεg 19 soaba.

Ned buud fãa tara sor n tõe n tẽ a sẽn date la a gom a sẽn date, rẽnda n kɪt tɪ ned pa tog n zoe rabeem ne a tẽeb wilgri, la a tar sor n tõe n bao n bãng kibay la a paam kibay n tall-b n piuug zĩĩg fãa n pa ges tẽmsã tods ye, tɪ yɪ ne rabay buud fãa a sẽn date.

Koεεg 20 soaba.

Ned buud fãa tara sor n tõe n paam n maan tigsga la lagem-n-taar sull sẽn pa tar yɛla (sẽn pa na n wa ne gudgri).

B pa tõe n modg ned ab a ye t'a kẽ lagem-n-taar pɤgẽ ye.

Koεεg 21 soaba.

Ned buud fãa tara sor n tõe n ning a toog a tẽng vɪɪm tɔɔmẽ, a tõeeme n maan tɔɔmd a toore bɪ tũ ne neb b sẽn yãk tɪ b let lagem-n-taara sull n tɔmdẽ, tɪ nin-bãmb yãkrã yaa sẽn maan tɪ pa tũ ne modgr ye.

Nin-buiidã sẽn dat bũmb ninga la tẽngã zãab tɔɔm tikda.

Nin-buiidã raabã wilgr tog n tũu ne vot sẽn na n maan tɪ zãmb ka zĩnd ye, votã me tara wakat sɔɔr n tog n le maane, votã tõeeme n maan tɪ yɪ nin-buiid vote, bɪ gɔls n vot buud a to sẽn wẽnd wa bãmba sẽn maand tɪ ned fãa tõe n yãk a sẽn dat-a soaba.

Koεεg 22 soaba.

Ne buud fãa, a sẽn yaa nin-buiidã ned a ye wã yĩnga, a toga ne ninsaalb yel gesg soogã sɔngre. Sɔngrã yaa arzeka, vɪɪm sɔmblem la rog-n-mik wɛɛngẽ sẽn yaa tɪlae ne ninsaal burkĩnd la a tɪrlem baoobo, a mengã yidgr yĩnga, sẽn na n tũ ne tẽnga meng tɔɔmd n paas tẽms ne taab lagem-n-tɔm pãng tɪ zems ne tẽng fãa tɔɔm yɔgeng sẽn ya to-to la a laog sẽn zem tɛka.

Koεεg 23 soaba.

Ned buud fãa tara sor n tõe n paam tɔɔmd, n tõe n yãk a sẽn dat tɔɔmd ninga tɪ tũ ne tɔɔmdã kũun sẽn na n maan tɪ wẽgb pa zĩnd ye, la b koglg-a ne tɔɔmã kaalem.

Nebã fãa tog n paama yaood sẽn zems ne b sẽn maan tɔɔmd ningã tɪ wẽgb ka ye.

Ned ning fãa sẽn tɔmd-a toga ne yaood sẽn zems a sẽn maane, tɪ sẽn paamdã sek yẽnda ne a zak rãmb vɪɪm tɪ yɪ burkĩnd pɤgẽ, tɪ sã n mik tɪ segdame; bɪ a paam tɪ b paas-a sɔngr buud a taaba.

Ned buud fãa tara soor n tõe n naag neb a taaba n lulg sɛndika sulli (tɔntɔmdb sɔngr sulli) sẽn na kogend tɔntɔmdbã nafo.

Koεεg 24 soaba.

Ned buud fãa tara sor n tõe n paam vɔɔsem la yɔ-noogre, bũmb zãng la tɔɔmã wakat sɔɔr tɛk wilgri n paas vɔɔsem. Vɔɔsmã geendame n tar wakat-wakato, vɔɔsmã sasa b tog n yaoa a soaba.

Koεεg 25 soaba.

Ned buud fãa tara sor n tõe n paam tarem sẽn na n sek a meng la a zak rãmb laafi la b vɪɪm sɔmblem baoobo, bũmb zãng la rɪɪbã wɛɛngẽ, yeelgrã (futã), zĩ-gãadgã, tɪbsgã n paas vɪɪmã sɔmblem baoob tɔɔm nins sẽn segd-b ne yẽ wã. A sã n wa pa tar tɔɔmd, a sã n wa bẽedẽ, a sã n wa lebg kamsa, a sã n wa lebg pɤg-kɔɔre bɪ ra-kɔɔre, a sã n wa kɔɔle bɪ bũmb buud a taab sã n wa kɪt t'a pa le tõe n dɪlg la a ges a meng yelle, tɪ yaool n pa tũ ne yẽnda a maan tɪ yellã paam-a, a togame n paam sɔngre.

Biig pɤg sasa la a yãadem wakato, a tara sor n tõe n paam sɔngre la koglgɔ. Kamba fãa, f roga kãadem pɤgẽ tɪ b rogame tɪ b ba rãmbã pa kẽ kãadem ne taaba, b fãa segda ne sɔngre.

Koεεg 26 soaba.

Ned buud fãa tara sor n tõe n paam kaorengo. Kaorengã tog n yɪɪ zaalem, ba tɪ na yɪ yãadmẽ kaorengã (kaoren-singã). Yaa tɪlae tɪ kambã paam kaoren-singã. Tɔɔm-minim la nus tɔɔm zãmsg kaorengã togame n piuugi. Karen-do bedã kaorengã tog n maaname tɪ neb nins fãa bãngr sẽn sek be taabã paam n kẽ tɪ zãmb pa zĩnd ye.

Kaorengã sẽn tog n gẽeg bũmb nins yaa ninsaal mengã yidgri la ninsaal yel-segdɪ noy sebrã tũub pãng paasgo. Kaorengã togame n sɔng tɪ tẽmsã ne taab wɔm taab moore, buudã toor-toorã bɪ wẽnd-sor tũudum toay-toayã wɔm taab moore, tɪ sull fãa sak a to sẽn yala la b yɔg taab zoodo. A togame yasa n sɔng tɪ nasɔzini (tẽmsã ne taab lagem-n-tay kãsengã) tɔɔma kẽng taoore, sẽn na yɪl tɪ bãana gãand dũni wã pɤgẽ.

Ba rãmbã n yaa pipi n tar sor n tõe n yãk wubr ning buud (kareng ning buud) bãmb sẽn dat tɪ b kambã paame.

Koεεg 27 soaba.

Ned buud fãa tara sor n tõe n ning a meng nin-buiidã rog-n-mik sull tũmẽ (vũmẽ), n rĩ tũm-minmã bãngr yõodo la a naag n tũm bãngrã baoob tũmẽ wã la a paam n dĩ tũm bãmba sãn wat ne yõod nĩnsĩ.

Ned fãa tara sor n tõe tĩ b koglg a bãngr yõodo la a bãngr teedo, tĩ yaa sebr la a gũls yã, bĩ yaa te-naands la a maan yã.

Koεεg 28 soaba.

Ned buud fãa tara sor n tõe n dat tĩ bãan zĩnd nebã ne taab sũk tẽnsẽ wã, la tẽnsã ne taab sũka, tĩ seb kãnga sãn wilg yel-segdĩ nĩnsã tũog n paam n yĩ sĩa

Koεεg 29 soaba.

Nĩnsaal tara tĩlae-tũm ne a neba (a nin-buiidu), bala a mengã yidgr pa tõe n maan tĩ pa yĩ na a nebã pũgẽ vũm ye.

Ned yel-segdĩ tũub pũgẽ, la a sãn tar sor n tõe n maan a sãn datã wẽengã, ned fãa toaag sãn tekẽ yaa laloa sãn wilg bũmb nĩnsa, sãn na yĩl n sũng tĩ ned fãa bãng a to yel-segdĩ la a sãn tar sor n tõe n maan a yam. Sãn paasd me, yaa sãn na yĩl tĩ b tũog n tũ nĩnsaal vũm sũmblem noy wã, nĩnbuiidã vũm noy wã tũubu la nebã fãa vũm sũmblem baoobo, sã n yaa tẽng zãab buud nĩng sãn ya nin-buiid naam n zãad-a wã.

Yel-segdĩ bãmbã la maan-m-yam bãmbã pa tõe n dĩk n maan tĩ pa yĩ wa nasõzini sãn gãneg noy nĩnsã sãn datã ye.

Koεεg 30 soaba.

Seb-kãngã gomd ba a ye pa tõe n wa rĩk t'a yĩ wa tẽng a ye, goosneer a ye bĩ ned a ye yell ye, t'a soab tik rẽnda n dat n maan bũmb sãn na yĩl n sãam yel-segdĩ la maan-m-yam nĩns sebrã sãn gomd-b rãmb yellã ye.